

Memo #10

Goeiedag kollegas

Die een dag het oorgegaan in die ander en in 'n oogwink is ons in 'n nuwe jaar met nuwe uitdagings en nuwe geleenthede.

Baie welkom in die nuwe skooljaar. Ons bid elkeen ook die seën van die Here toe. Mag julle toegerus word met wysheid en insig om geleenthede te kan ontsluit in die beste belang van die skool en uitdagings aan te pak met onderskeidingsvermoë.


Onderskeidingsvermoë soos wat Nehemia getoon het. In die groter geheel van die onderwyslandskap is Gereformeerde/Christelike skole maar 'n druppel in die emmer. 'n Klein groepie wat dalk maklik moedeloos kan raak. Die gemeenskappe waarbinne ons skole funksioneer is nie altyd ondersteunend nie, dit kan selfs wees dat die skole gespot en geminag word. Nehemia het tydens die herbou van die mure van Jerusalem ook geweldige spot ervaar van onder andere Sanballat en Tobija die Ammoniet. Hy het 'n tweeledige antwoord hierop gehad, naamlik gebedsvertroue en georganiseerde harde werk. Ons vind hierdie antwoord van Nehemia terug in die Latynse spreekwoord wat ons so goed ken, naamlik *Ora et Labora*, bid en werk. Nehemia bid (Neh 4: 4-6) die HERE se wraak oor die vyande, nie a.g.v persoonlike omstandighede nie, maar omdat die vyand God se eer skend. God laat nie met Hom spot nie (Gal 6:7), nie toe nie en ook nie vandag nie.

Hierdie teenstand kom van twee kante, deur die aanvalle van buite af, m.a.w die wêreld en ook van binne af, mede gelowiges wat mor en kla oor die werk wat gedoen moet word. Hierdie toestand het 'n verlamme effek, dit veroorsaak dat baie belangrike werk nie gedoen word nie.

Die volk het tydens die herbou van die mure ook hierdie aanvalle vanaf die twee fronte beleef. Nehemia se antwoord daarop is om die volk toe te spreek en hul te motiveer. Hy herinner hulle dat ware sekuriteit net in ons Almagtige God lê, die volk is nie alleen nie, die HERE is met hulle. Verder herinner hy hulle dat die werk ook oor hul families, gesinne (vrouens, seuns en dogters) en grond gaan. Hulle mag nie toelaat dat hierdie kosbare nageslag in die hande van die vyand val nie, daarom moet hulle onverpoos bly bou.

Ons getalle is ook klein, ons ervaar ook aanvalle van buite en van binne, maar ons mag vashou daaraan dat ons onder die beskerming van die Allerhoogste God werk, ons is meer as oorwinnaars (Romeine 8). Ons moet mekaar herinner dat ons nie mag toelaat dat onenigheid van binne en slap hande die koninkrykswerk waarmee ons besig is bedreig nie.

Mag julle krag ontvang om hierdie taak met vreugde en blydschap uit te voer tot eer van God se naam.



Datums

Hiermee net weer 'n herinnering aan die geskeduleerde datums soos in die vorige memo aan julle gestuur. Let wel die amptelike opening van Boekenhout is uitgestel tot verdere kennisgewing. Die fokus is nou eers om skole sowel as studente toe te rus met handboeke.

Datum	Aktiwiteit	Plek
11 Februarie	ICO Atletiek Gereformeerde Laerskool Johannes Calvyn is die gasheer. Programme en uitnodiging volg vroeg in Januarie.	Waarskynlik HS Oos-Moot, moet nog bevestig word
2 Maart	ICO Hoofdeseminaar Op versoek van skoolhoofde reël ICO vanjaar 'n hoofdeseminaar. Dit sal 'n voldag byeenkoms wees waar hoofde geleentheid sal kry om met mekaar te kan gesels oor geleenthede en uitdagings. Die gesprek sal gefasiliteer word, sonder om te verval in 'n klomp lesings. Die doel is om ondersteuning aan mekaar te kan bied, uitdagings te identifiseer en strategiese planne op die tafel te sit om hierdie uitdagings aan te pak. Meer inligting volg in Januarie.	Gereformeerde Kerk Totiusdal
24 Maart	Seminaar vir Engelse ICO skole Lesedi la Dithaba en Musawenkosi se bestuur, hoofde en onderwysers ontvang toerusting.	Moet nog bevestig word
12 April	ICO skole seminaar. Meer inligting oor die tema en sprekers volg in Januarie. Tema: Gewortel om te groei (Ef 3:16-19)	Moet nog bevestig word

January 2023							February 2023							March 2023							Public and School Holidays 2023	
S	M	T	W	T	F	S	S	M	T	W	T	F	S	S	M	T	W	T	F	S		
1	2	3	4	5	6	7	5	6	7	8	9	10	11	5	6	7	8	9	10	11	01 January	New Year's Day
8	9	10	11	12	13	14	12	13	14	15	16	17	18	12	13	14	15	16	17	18	02 January	Public Holiday
15	16	17	18	19	20	21	19	20	21	22	23	24	25	19	20	21	22	23	24	25	20 March	Special School Holiday
22	23	24	25	26	27	28	26	27	28					26	27	28	29	30	31	21 March	Human Rights Day	
29	30	31																			07 April	Good Friday
																					10 April	Family Day
																					27 April	Freedom Day
																					28 April	Special School Holiday
																					01 May	Workers' Day
																					16 June	Youth Day
																					09 August	National Women's Day
																					24 September	Heritage Day
																					25 September	Public Holiday
																					16 December	Day of Reconciliation
																					25 December	Christmas Day
																					26 December	Day of Goodwill

Skoolboeke

Baie dankie vir elke skool se ondersteuning met die bestelling van die Waterstroomreeks. Ons is dankbaar dat soveel skole, openbaar sowel as onafhanklik, hiervan gebruik kan maak.

Die uitgee van hierdie boeke is 'n baie groot spanpoging en ons is dankbaar vir elkeen se bydrae tot die ontwikkeling van hierdie reeks. Ons bedank ook elke skool vir hulle geduld as die prosesse nie

altdy soos beplan verloop nie. Ons vertrou dat die kreukels met die druk en versprei van die boeke in 2023 uitgestryk sal word.

Elkeen word ook hartlik uitgenooi om per e-pos of w-app te kommunikeer insake hierdie reeks. Laat weet gerus waar ons kan verbeter en uitbrei. Sodoende maak ons seker dat al die gebruikers 'n goeie produk in die hande kan hou.

Tema

ICO vier vanjaar ook 40 jaar se bestaan. Daar is reeds in 1982 met Arso begin, dus streng gesproke is dit 41 jaar ☺ Voordat Arso ontstaan het is daar 'n vereniging vir die daarstelling van 'n Gereformeerde Skool gestig, die sogenaamde VDGS. Die spore loop dus al baie ver terug. Hierdie spore lê geanker in Christus, Hy versterk ons met geloof en krag sodat ons kan groei. Slegs uit hierdie Wortel kan daar volhoubare groei plaasvind, ook vir die geslagte wat kom.

Die tema van vanjaar se seminaar is dan heel gepas: **Gewortel om te groei**. Ons sien uit om toerusting tydens die seminaar, maar ook deur die loop van die jaar, aan te bied wat aansluit by hierdie tema.



Afsluit

Die ICO is hier om 'n diens te lewer, te ondersteun en te bemoedig. Wees betrokke, vra vrae en bemoedig mekaar. Bly op hoogte van sake deur dokumente met mekaar te deel of kollegas se advies te vra. Sodoende bou en versterk ons die Christelike onderwyssektor in hierdie land.

Vriendelike groete

Saskia Meijer